

ኦይትምስባብ ጳውሎስታ ቃሰትምስ ክተና ቆርንቶስ ኤድንከሰካንታ እርድንታ

ጳውሎስ ቆርንቶስ ኤድንከሰካንታ ክት ጸፍሳንዳ ቃሰትምስ ክተና ጸፍምሳንዳ ቆርንቶስ ካተመናር ዐረቃን ምክሰ ኤሄንካ ክክን ክታ ደቅድን ዋልቃትቼና እንድር ማጣ ማቻንደትዐይኬ። ዋልቃ ዋልቃ ምክሰ ኤሄናር ኤድንከሰ እንድር ክታዘን ይንኤርዘድንደትም ኬት ኬዘንከረ ጳውሎስ ኤድማ ካንታ እንድር ዘግመት ክታ ደቅድንደትም ሰቕዝዴ፥ ኮነረ ኮት ማድንደትዐይካ እንድር ጉርም ክትካንታ ኤስምድንደትም መያ ማዝዴ።

ክታ ክተንታ እርንደታር ጳውሎስ ቆርንቶስ ካተመናር ደቅድን ምክሰ ኤሄንካ ክክን ክታ ደቅድን ዋልቃትቼን ሰቕካ ምክሰ ኤሄናር አምሳን ይንኤርዘድን ሪንከሰንኬ ኬታ ግርንተንጎካ ዐረታ ኬዘንታ ማሰንም ደቅሰሶ ከት ማሰሳናንከረ ኤስምዴ። ኮትኮከረ የቕሶ ኮና ክታ ዋጭና ጎማ ፍክሰን ኬት ዋይሰዘድንግንደኬ ኬት ኤድምድንግንዳ ይሳንካንታ ክትካንታ ኤስምሳን ጉርምንም ክትካንታ መያ ማዝዴ። ኮታዘንከረ ይሁዳ ፍጨናር ደቅድን አሜንድባብከሰም አላካንታ ቡዳርንካ ከት እምድንግንዳ ከትም ኖ ገቀርሰዘዴ። በእንታ የድንከሳር ጳውሎስ ይንታ ኦይትምስባብ ማትንተንዘን ክታዘን የልሳን ካሰሰንጎካ ይ ጋምድን ኬዘንታ ማሰንም ኬዘዴ። ቆርንቶስ ምክሰ ኤሄናር ዋልቃ ዋልቃ ኤድንከሰ ከታ ይንታ ማተን ዶፈን ኦይትምስባብከሰ ማሰንተካ ጳውሎስ ካርከካ ኦይትምስባቤ ጋየረኮ ክትም ካሰዘድ ዐቀኬ።

ማጻፍን ኮትኮታ መዳ የድንተና

እሪንዳ (1:1-11)

ጳውሎስኬ ቆርንቶሳር ምክሰ ኤሄንካ (1:12—7:16)

ይሁዳ ፍጨናር ደቅድን አሜንድባብከሰካንታ አላ (8:1—9:15)

ጳውሎስ ይ ኦይትምስባብ ማትንተንታ ገቕታ ኤሪንጎካ ይ ጋምድንደታ እምሳን ማሰና (10:1—13:10)

በእንታ (13:11-14)

1 ሳብታ ጋይተካ የሱስ ክርስቶስታ ኦይትምሰባብ ማቕባብ ጳውሎስዘንኬ ዋንታ እሰመን ጢማቶስዘንካ፡

ቆርንቶስ ካተመናር ዐፈርድን ሳብታ ምክስ ኤሄንከ ኮትኮግንደረ ሙዳ እካያ ፍጨናር ዐፈርድን እሜንድባብ ዋርሳ ሙደና፡

2 ዋንታ ባበን ሳብዘንካ፡ ጮይሰረ የሱስ ክርስቶስታ ዉቕ እምንተኬ ሳራትቼና የካንታ ማታ፡

ጳውሎስ ሳብካንታ እምሳን ጋለትና

3 እጭርንታ ባበንኬ ዳቅንተን ሙዳ እምድባብ ኮትኮግንደረ ዋንታ ጮይሰን የሱስ ክርስቶስታ ባቤን ሳብካንታ፡ ጋለትና ማታ፡

4 ዋታ ሳብዘንካ ዋ ዐብድን ዳቅንተንካ ማጠዘን ደቅድባብከሰም ሙዳ ዳቅስካንታ ዋ ማድንግንዳ ሳብ ዋም ዋንታ ማጣ ሙደንካ ዳቅዘዴ፡

5 ክርስቶስታ ማጠና ዋካንታ በጃንከካ ኮትኮግንደረ ክርስቶስካ ዳቅንተነረ ዋካንታ በዴ፡

6 ዋታ ማጠን ዋ ተይድንካ የታ ዳቅንተንምኬ እቅንተንም ዐፍተረቴ፡ ዋ ዳቅድንካ ጉጅሰረ የተረ ዋ ተይድንደትም ካምድንደት ማጠን ዳንዳእካ ተይሰቶ ዳቅተረቴ፡

7 ዋንታ ማጠን የ ካሰምድንደት ከካ ዋንታ ዳቅንተንመረ የ ካሰምድንደትም ዋ ኤዘድንኦል የንታዘን ዋንታ ደቅድን ጉርምና ዳቅሜ፡

8 እሰታ እሰመንከሰኬ ምቕነንከሶ! እሰያ ፍጨናር ዋ ደቅድንደትዐይካ ዋንዘን የልሳን ማጠን የ ኤዘድንግንዳ ሶልምዶቴ፡ ኮነረ ዋንዘን የልሳን ማጠና ባላካንታ ዋም ደጭድንዳ ማቻንጎካ ሰንፔካ ደቅንትካንታ ዋንታ ደቅድን ጉርምና ዋራ ነግታ ዐቁ፡

9 ኮትኮግንደረ ደእ ዋንዘን ፋረድምሳን ኬካ ዋካንታ ኤሰምታ ዶቆ፡ ኮነረ ሙዳ ዋንዘን የልሳንዳ፡ ዋ እመንምድባብ ደእሰባብከሰም እምሰዘድባብ ሳብካ ዳት ዋንታ ዋልቀካ ማታክንደትም ዋ ገቀርት ተይድንግንዴ፡

10 ኮካንታ ኖ ደእካንታ የልዘድን ማጠንዘንካ ዋም እቅሰቴ፡ እነረ ኖ ዋምእቅሰተሬ፡ ጉጅሰረ ዋም እቅዘድንደት ግንዳ ዋንታ ጉርምና ክትኬ፡

11 የተረ ዋም ምክሰካ አላ ዝግዝዴ፤ በድ ምክሰካ ዋታ ሳብታ አለን ዋ ዐብድንካ በድ ኤድንከሰ ጉጅሶ ዋጎካ ሳብም ጋለደኬ።

ጳውሎስ ይ አይካንታ ገቅርሳን ገቀርን ኦክና

12 ዋ ጨቅድንዳ ሪና ኮኔ፤ ኮነረ ዶፈን ማትንተን ዋንታ ማክቼና ዋካንታ ማርከርዴ፤ አብን ኤድንከዘንኬ ሰግሰሰረ የንካ ክክን ዶቅድንዳ ዐፍርና ሳብዘንካ ዋ ዐፍሳን ሳብካንታ ፋሰምንኬ ሉለዘን የድምሳንዴ፤ ኮነረ ማቻንዳ ሳብታ ዉቕ እምንተንካ ዐቃ ዳት ኤታ ኤጨካ ካዬ።

13 ናበብሰቶ ገቅርት የ ተይካንታ የ ማዳክንዳ ማቼ አብ ዐረነረ የካንታ ጸፋዮቲ፤ ሙደንም ገቅር ካንታ የ ማድንግንዳ ጉርም ይድቲ፤

14 ታ ዋጎካ የ ኤዘድንዳ ቶክምየ፤ ኦስ እር ማቼ ቦድሶ የ ገቀርድንደትም ዐድን ጉርም ይድቲ፤ ኮንከረ ጮይሰ የሱሰ ዐድንደት ዐይካ ዋታ የንካ ዋ ጨቅድንደት ግንዳ የተረ ዋንካ ጨቅተረቲ።

15 ኮርንካ ገታ እ ማቻንጎካ ቃሰተን ዱት የካንታ መይድን ግንዳ ጋይሰቶ የም እርምሰቶ ሰድንካንታ ገቀርትትዶቆ፤

16 እ ገቀርሳንዳ ኦስ መቅዶና ካተመናር ሰገርንደትኬ ኮታርንከረ እ ማድንደትዐይካ የም ሰድካንቲ፤ ኮግንደከረ ኦስ ይሁዳ ፍጨናር እ አይድንደትካ እም አሌንም አልተረቲ ጋይንተካ ገቀርሰቲ።

17 ኮም እ ገቅርሳንደትካ እ ይድንደትም እታ ኤሳይባብ ኦስ ፈንክ ጋይድባብ የንደር ካምዶ? እነረ ኮም እሰታ ገቅርንካ ዋልቃዱት “ይየኬ ዋእ” ጋየርቶ ኦስ ፈንክ ጋይንትካ ኤታ ገቀርካ እ ይሳንዳ የም ካምዶ?

18 ሳብ እሜንምሰባብ ማቻን ኦል ዋተረ የም ዋ ኬዘድን ኬዘና “ይያ ናንከረ ዋእ” ጋይድን ኦስ ፈንክ ጋይሰዝድንዳ ካዬ።

19 እንኬ ሰላሰካ፤ ጢማቶሰከረ ሳብታ ይንቶን የሱሰ ክርሰቶሰም የካንታ ዋ ሳባክሳንዳ ሙዳዐይካ “ይዬ” ጋይድን ቃለካ ዳት። “ይዬ ናንከረ ዋእ” ጋይድን ኦስ ፈንክ ኦክምድን ቃለካ ካዬ።

20 ሳብ ዋካንታ እምሳን ዐድን ጉርምን ሙዳ “ይያ” ማድንዳ ክርስቶስኬ፡ ኮካንቴ ሳብካንታ ቦንቼና ክርስቶስካ “እምንኤ” ዋ ጋይድንዳ።

21 ዋም የንካ ክክን ክርስቶሳር ዋ ዛብድን ግንዳ ዋም ይሰሰባብ ሳብዬ፡ ይንታ ፍክስንካንታ ዋም እጅባብ ኖዬ፡

22 ክታ ዋ ማቻንደታ ማርካ ማድንዳ ማይተምን ዋንዘን ይሰባብኬ ኦስ እር ዋካንታ እምምድን ቆልማካ ዋንታ ቡዳር እያን ጭልን ዋሳ ማሰሶ እምሰባብ ኖዬ።

23 እታ ቆርንቶስ ካተመናር ማትሰቶ እ ዐዳክንዳ ጎገና የም እ ሞርእዛዳክንግንዳ የካንታ አጨርሰቴ፡ ኮትኮካንተረ ሳብ እስታ ማርኬ፡

24 የታ የንታ አመንንካ ዳቅሰባብ የ ማቻንካ የም ጉርምዝድን ግንዳ የንካ ክክን ፍግዝደት ዳት የንታ አሜንካ የም ክዳኮቴ።

2

1 ይና የም እ ሞርእሳይንግንዳ ገቅርካ የም ሰድንካንታ የንደር ማት ዐዳክቴ ጋይሰቶ እስታ ቡዳር ገቀሰቴ።

2 ዐረሰነረ ዋራ የም እ ሞርእስንከረ እ የም ሞርእሰባብ የንዘንካ አብ እም ጉርምዝድባብ ዐይራ?

3 ኮትግንዳ የካንታ እ ጸፍሳንደረ የንደር እ ዐድንካ እም ጉርምሰካንታ ዝግዝድባብ ኤድንከሰ እም ከት ሞርእዛዳክን ግንዳ ጋይሰቴ፡ እስታ ጉርምና የ ሙደንታ ጉርም ማትንተን አመንድቴ።

4 አንድር ሞርእኬ ቡዳርንካ ማጥርካ፡ በድ ኤርመካ ማትሰቶ የካንታ እ ጸፍሳንዳ አንድር እ የም ሶልምድባብከሰ እስታ ማትንተን የ ኤዘድንግንዳ ጋይሰቶ ዳት የም ሞርእሰካንታ ጋይሰቶ ካዬ።

ባቕንባብካንታ ነጋ ጋይንታካ

5 ኤድም ሞርእሰሰባብ ዐየነረ ዳቅሴ ክት ሞርእሳንዳ እም ማታክናና ክታ ባቕንም ጎፍሰ ኮት ዐይማታጋካ ዳት አብካ የንታርንካ በድንከሰም ኖ ሞርእሰቴ።

6 ኮግንዳ ኤድንካንታ የንታርንካ በድንከሰ ክታዘን ፋረጃንዳ ዋጭና ክትካንታ ማዴ።

7 ኮካንታ ኮና ኤቕና አንድር ክታ ሞርእዘንካ እምሳንዳ ጉርምን ክት ተቻይን ግንዳ ሰግሰሶ ነጋ የ ክትም ጋይተርንግንደኬ ክትም የ ዳቅሰተርንግንዴ።

8 ኮግንደረ ክትም የ ሶልምድባብ የንታ ማትንተን ካርንካ የ ሰቕተርን ግንዳ እታ የም ምግዝድቴ።

9 ኮካንታ ኮትኮ ክተን የካንታ እ ጸፍሳንዳ ጸጭምሰቶ ሙዳ ሪካ ክትምሰባብ የንታ ማትንተን ኤሰካንታ ጋይሰቴ።

10 የታ ነጋ የ ጋይድባብ ኤድካንታ እተረ ነጋ ክትም ጋይድቴ፤ ነጋ እ ጋይድን ባቕ ክታ ዶቅሴ እታ ክርሰቶሰታ እሪ ነጋ እ ክትም ጋይድንዳ የካንታ ጋይሰቴ።

11 ኮመረ እ ይድንዳ ሰጣንታ ጩባ ፍክሰን ዎ ኤዘድንኦል ሰጣን ዎም ገሳይንግንዳ ጋይሰቴ።

ክላ ጫቀንታ ፍክሰንባብከሰ

12 ኮታ ቡር ክርሰቶሰታ ክላ ኬዘን ኤሰሰካንታ ኦሰ ጥሮኦዳ ፍጨናር እ አይሳንደትካ ጮይሰ ዳልግማ ፍክሰታ ፍልታ ፎቕታ ዐቋ፤

13 ኬዛር ማቼ እሰታ እሰመን ቲቶም እ ዐፋክን ኦል እሰታ አያንና ዐፄሳክዬ፤ ኮካንታ ኦ ዋር ዶቅድባብ አሜንድባብከሰም ኡርማ ዶኦከቴ ጋይሰቶ ኦሰ መቅዶና ፍጨናር አይሰቴ።

14 ኬዛር ማቼ ዎም ሙዳዐይካ ክርሰቶሰ ይንታጋምንተንካ ዎም ጎርዝድባብኬ ኡርማ ዎዘድንዳ ዶቅድን ዎሰመንግንዳ ክርሰቶሰጎካ ዎንታ ዶቅድን ኤሰንም ካሪ ሙደናር ዎ የልዘድንግንዳ ዎ ማዘድባብ ጮይሰንካንታ ጋለትና ማታ!

15 ዎታ አቅድባካንተረ ማታ ካይድባካንታ እጣንታ ኡርማ ዎሰማ ዶቅድንደትግንዳ ክርሰቶሰካ ሳብካንታ ማቶቴ።

16 ዋልቃባብካንታ ደይዘድንዳ ደእ ከደር ዎሳባብ ማዶቴ፤ አብንካንታ ዶቅንት ማድንግንዳ ከደር ዎዘዶቴ፤ ይና ኮፍክሰን ካንታ ማታባብና ዐይራ?

17 ዛልእ ሪን ቡቃኦግድባብ በድንከሰግንዳ ዎታ ሳብታ ቃለንም ቡቃዮቴ፤ ኬዛር ማቼ ሳብዘንካ ክትምሰባከሰግንዳ ሉለካ ክትምሰባብከሰ ክርሰቶሰካ ማትሶቶ ሳብታ እሪ ኬዘዶቴ።

3

1 እናካርንካ ዎንታ ማተንም ቦንቕ የተሮቶ? እነረ ዋልቃ ዋልቀንከሰ ይድንግንዳ የካንታ እነረ የንዘንካ ዎም ኤሰምዘድንዳ ክታ ዝግዘዳ ዳቶ?

2 ኤድ ሙደና የም ኤዘድንደትኬ የም ናበብድንዳ ዎንታ ቡዳር የታ ጸፍምሰባብ ዎም ኤሰምሰታ ክተንከሰ የተቴ።

3 የታ ዋንታ ፍክሰንካ ዐድባብከስ ክርስቶስታ ክታ የንታ ማትንተና መዬ፥ ኮነረ ክተና ጸፍሞሳንዳ ደቅንት ሳብንታ እያንካ ዳት ወች ፍደልካ ካዬ፥ ኮትኮግንደረ ኤታ ቡደዘን ዳት ሰይን ዘን ጸፍሞሳንዳ ካዬ።

4 ኮሞ ዋ ጋይድንደና ክርስቶስንካ ሳብዘን እሜን ዋንታ ደቅድንካንቴ።

5 ዋንታ ፍክሰንሞ ዋ ቦተርንግንዳ ዋ ማታባብ ይድባብ ሳብ ዳት ዋታ ዋንታ ማታርንካ ዐረነረ ይይካንታ ማድባብ ካዮቴ።

6 ክላ ጫቀንታ ፍክሰንባብከስ ዋ ማድንግንዳ ማትንቴን ዋካንታ እምሰባብ ኖዬ፥ ኮነረ ፍደልካ ጸፍሞሳን ሙሴታ ህግና ማታክናና እያን ጭልንታ አሌንኬ፥ ፍደልካ ጸፍሞሳን ሙሴታ ህግና ደእንሞ ተይዐዴ፥ እያን ጭልና ማቼ ደቅንትን እምዴ።

7 ሙሴታ ህግና ጸፍሞሳንዳ ሰይንዘን ፍደልኬ፥ ሙሴታ ህግና እምሞሳንደት ዐይካ ዐቃን ሳክመና ዐልኤሮ አይድንዳ ማቼ እስራኤልንከስ ሙሴታ ባለንሞ ፍሰሳ ሰድካንታ ማታከኬ፥ ይና ደእንሞ ተይዐዳንዳ ህግና ኮግንዳ ቦንቸካ ዐፈርሴ

8 ይና እያን ጭልንካ ዐፈርድንዳ ፍክሰና ሰግድንዳ ቦንቻ ደቅተራክዮ?

9 ኤድንከሰሞ ኡርክ ማሰሳን ፍክሰና ኮከካ ቦንቻ ደቅሴ ኤድንከሰ ጭልሞድን ፍክሰና ዐስግንዳ አንድር ሰግድንዳ ቦንቻ ደቅተራክዮ?

10 ዐድን ቦንቹና አንድር ሰገዳንዳ ማትንተዘንካ እምሳንዳ እርንደታ ቦንቹና ዐረነረ ማትሶ ፋይድማዬ።

11 ናኮና ዳበርዳበርይ ጋየሮ አይድ ዐቃንዳ ሪና ኮከካ ቦንቻ ደቅሴ፥ ሰለንክንደታ ዳቅሶ ደቅድን ሪና ማቼ አንድርይ ሰገዳንዳ ቦንቻ ዐስግንዳ ደቃይንዳ!

12 ኮግንደና ዐድን ጉርሞ ዋንታ ደቅድንኡል ካርቸካ ኬዘዶቴ።

13 ሙሴታ ላንቀሮ አይድንዳ ባለንታ ሮጵና ዐልእተርን የለልታ እስራኤልንከስ ኬት ሰዳይንግንዳ ባለን ይንታ ክጨር ዐቁ፥ ዋታ ማቼ ክትግንዳ ካዮቴ።

14 ኬታ ቡደና ገታ እንቹርቴ፥ ታከረ የለልታ እርንደት ጫቃ ማጸፍን ኬት ናበብድንካ ኬታ ቡደና ኮትኮ ክጨርድን

3:3 ዉት. 24:12፤ ኤር. 31:33፤ ሕዘ. 11:19፤ 36:26። 3:6 ኤር. 31:31።

3:7 ዉት. 34:29። 3:13 ዉት. 34:33።

ሪንካ ክጨርሳንግንዳ። ኮነረ ማድንዳ ናኮና ክጭምሳንዳ ኮት
 ዐለእድንዳ ክርሰቶስካ ዐክ ማቻን ኦሌ።

15 ታከረ ዋራ ማቼ ሙሴታ ህግ ማጻፍንከሰም ናበብሳንከካ
 ኬታ ቡደና ክጭምድን ርይካ ክጭምደ።

16 ኬዛር ማቼ ኤድ ጮይሰደር ማድንካ “ክጨርድን ሪና
 ዐለእደ”።

17 ጮይሰ እያኔ፥ ጮይሰተረ እያን ዶቅድንደታር ባዛካይሳ
 ዶቅንት ዶቅደ።

18 ዋታ ሙደና ክጨራክን ሪንታ እሪ ማትሶቶ ማስታታር
 ሰድምድንደት ግንዳ ጮይሰታ ቦንቹን ርጽዝዶቲ፥ ዋተረ እያን
 ማቻንደትም ጮይሰታ ካምንተን ካምካንታ ቦንቹዘንካ ኦስ
 ቦንቻር ኦክምዶቲ።

4

ድግድን ዳሀናር ዶቅድን ማዝገብ

1 ሳብ ይንታ ኤጭርንካ ኮም ፍክሰን ዋካንታ እምሳንካንታ
 ጉርምን ዋንታ ተቻዮቲ።

2 እቕምሳንደትምኬ ኦስንዘድ ሪ ማቻንደትም ዐለእስቶቲ፥
 ጨበከረ ፍክሳዮቲ፥ ሳብተረ ቃለን ኦካዮቲ፥ ሰግስሶ ዶፈንን መያ
 ሰጅዶቲ፥ ዋንታ ማተንመረ ኤድ ሙደንታ ገቅርን ካንታ ሳብታ
 እሪ መያ ማዘዶቲ።

3 ዋ ኤሰሳንዳ ክላ ኬዘንታ ቃለና ዐረንግርካ እቕምሳንዳ
 ማቕንከረ እቕምሳንዳ ካይድባብከሰካንቲ።

4 ኮፍጫ ሙደን ቆልድባብ ሰጣን እሜንዳክን ኤድንከሰታ
 ቡደን ዝልሴ፥ ኮከረ ሳብም ካምካ መያ ማቕባብ ክርሰቶስታ
 ቦንቹንታ ክላ ኬዘና ከትካንታ ሳግዘድን ሳክመን ከት
 ሰዳክንግንዳ ይሰሴ።

5 ዋ ኤሰዘድንዳ የሱስ ክርሰቶስ ጮይሰ ማትንተንምኬ ዋተረ
 ዋንታ ማታ የሱስካንታ የንታ ፍክሰንባብከሰ ዋንታ ማትንተና
 ዳት ዋንታ ማታካንታ ሳባክዳኮቲ።

6 “ሳክመና ኤምናር ሳካ!” ጋይሶ ኬዝባብ ሳብ ክርሰቶስም
 ካምንተካ ሳግዘድን ሳብታ ቦንቹን ኤሰንተታ ሳክመን ዋም
 እምድንግንዳ ይንታ ሳክመን ዋንታ ቡዳር ሳግድንግንዳ ይሴ።

7 ኬዛር ማቼ ኮና ሙደንዘንካ ሰገድን ዋልቀና ሳብታ ዳት ዋንታ ማታክንደትም ኤሰምድንግንዳ ኮም ቦንቻ ሪንም ዋታ ድግድ ሪ ግንደትደቆ የቶቴ።

8 ፍና ሙደንካ ማጣ ዋንዘን የልዴ፡ ማቼረ ዋታ ጋመራዮቴ፡ በድዐይካ ዋም ታንትምዘዴ፡ ማቼንከረ ጉርምን ተቻዮቴ፡

9 ይምኤንባከሰ ዋም ዳይደኬ፡ ማቼረ ገርናካይሳ ነጋኮቴ፡ ጉጸርሶቶ ዋጅደቴ፡ ማቼንከረ ደእዳኮቴ፡

10 የሱሰታ ደቅንትና ዋንታዘን መያ ማድንግንዳ የሱሰዘን የልሳን ደእን ዋንተረ ዘንዘን ሙዳዐይካ ባልሶቶ ኦንግደቴ።

11 የሱሰታ ደቅንትና ዋንታ ደእድን ዘንዘን መያ ማድንግንዳ ዋታ እፈክንባብ የሱሰካ ሙዳዐይካ ደእካንታ ሰክሰምት እምምደቴ።

12 ኮካንታ ዋታ ማቲ ማቲ ደእካንታ መያ ዋ ማድንካ የታ ማቼ ደቅንትካንታ መያ ማደቴ።

13 ማታጋካ ዳት “እሜንሰቴ፡ ኮካንታ ኬዘቴ” ጋይምሶ ጸፍምሳንግንዳ፡ ዋተረ ና ኮትኮ ዋልቀና እሜንታ ኢያንና ዋንታ ደቅድንኦል እሜንደቴ፡ ኮካንተረ ኬዘደቴ።

14 ጮይሰ የሱሰመረ ደእያርንካ እምሰባብ ሳብ ዋመረ የሱሰካ ክክን እምዘድንደትግንደኬ የንከረ ክክን ይንታ እሪ ዋም የልዘድንደትም ኤዘደቴ።

15 ኮና ሙዳ የካንታ መይድንዳ ማቻንዳ ዉቕ እምንተና ሰጥሶ በድ ኤድንከሰካንታ የልሳንደትኬ ሳብካንታ ቦንቻ ማድንዳ ጋለትና በድንደትግንዴ።

እሜንካ ደቅንት

16 ኮካንታ ጉርምን ዋንታ ተቻዮቴ፡ ዐረነረ ዋራ ዋንታ ማልካ ዐፈርድን ዘነና ኮት ካይደረ ዋንታ ዋርክንዳ ዘነና ሰጪን ሰጪንካ ክላ ማዴ።

17 ኮነረ ቶክመኬ ሰጪካንታ ማቻንዳ ዋንታ ማጠና የክሰ ካየንደትም አንድር ባካ ማቻን ሰለንክንደታ ቦንቼን ዋካንታ ዐፍስዝዴ።

18 ዋ ካርዘድንዳ ዐፈርዳክ ርይን ዳት ዐፈርድንደትም ካዬ፡ ዐፈርድን ርና ሰጪ ካንቴ፡ ዐፈርዳክንዳ ማቼ ሰለንክንደኔ።

5

ጭላር ዋንታ ኤሄና

1 ኮና ዱንካንግንግንዳ ሰጫካንታ ማቻንዳ ፍጨዘን ዋንታ ዋሄና ደእድንካ ኤታ አንካ ማታክናና ሳብካ ዎድምሳንዳ ሰለንክንደታ ደቅንት ጭላር ዋንታ ደቅድንደትም ኤዘዶቲ።

2 ጭላርንደታ ደቅንትን ቆበርካንታ ሰነርዶቲ።

3 ኮት ኮመረ ቆበርሶቶ ዘና ጫለንካ ማትሶቶ ዐፈሬዮቲ።

4 ኮ ፍጨዘንግንዳ ዱንካን ማቻን ዋንታ ዋሄንታ ዋር ዎ ደቅድንካ ዎም ደጭንካ አተርዶቲ፤ ዎ አተርድንደረ ደእና ደቅንትካ አክምድን ግንዳ ጭላርንደት ዘነን ሰግሰሶ ዎ ቆበርድንግንዳ ዳት ኮ ፍጨዘን ዋንታ ዋሄንዘንካ ፋሰም ካንታ ዝግሶ ካዬ።

5 ኮ ሪንካንተረ ዎም ግክሰባብ ሳብዬ፤ ኮታዘንከረ ሰግ ዎካንታ እምምድ ሪ ሙደንካንታ ዋሳ ማድንግንዳ ይንታ እያንን ዎካንታ እምሰባበረ ሳብ ኖዬ።

6 ፍጨዘን ዋንታ ኤደትቼንካ ዎ ደቅድን ሰጨናር ጮይሰዘንካ ዎ ጎተርሰባብ ማትንተን ዎ ኤሰረ ዎራ ሙዳዐይካ ክትካ እሜንምዶቲ።

7 ዎ ደቅድንደረ ጮይሰም እሜንካ ዳት ሰድንካ ካዬ።

8 ኮ ዋንታ ደቅንትንዳ ማቻን ዋሄንዘንካ ፋሰምሶቶ ጮይሰካ ክክን ማትካንታ እነገርዶቲ፤ ኮካንታ እሜንምሶ ደቅዶቲ።

9 ኮዎንታ ዋሄንካ ክክን ዎ ማቻንከረ እነረ ዋሄንዘንካ ዎ ፋሰምሰረ ዋንታ ገቅርና ጮይሰም ጉርምሰዬ።

10 ዋልቃ ዋልቀና ፍጨዘን ይንታ ደቅንትንካ ይሳን ዳቅልንከረ ማታ ኡርማ ርንካ ይንታ ፍክሰንግንዳ ናክንም ተይካንታ ዎታ ሙደነረ ክርሰቶሰካ ፍርዳ ካርንዘን ክታ እር የልንት ዎም ዝግዘዴ።

ክርሰቶሰንካ ኤድም ሳብካ ክክን ኤድምሰ

11 ጮይሰም ጳሰና ዐፈ ናንከረ ዎ ኤዘድንካንታ ኤድንከሰም ኤዘድንግንዳ ይዶቲ፤ ዎታ ዐፈ ዎ ማዳናንከረ ሳብ ኤዘዴ፤ የተረ የንታ ቡደናር ዐፈ ዎ ማዳናንከረ የ ኤዘድንግንዳ ዐድን ጉርም ይዶቲ።

12 ቡዳርንካ ደቅድንደትካ ማታክናና ሰድምድንደትካ ጋዩርድባከሰካንታ ኬዘንታ ማሰን የ ማዘድባብ ማተርንግንዳ

ዎንካ የ ጋይርተርንግንዳ የም ጋይዶት ዳት ዎንታ ማተን የካንታ ቦንቶሳዮተ።

13 ኤየርሰባብከሰ ግንዳ ዎም ከት ፋይጅንከረ ዎታ ሳብካንታ ጋይሴ፥ ማክቸክንባብከሰ ዎ ማቼረ የካንታ ጋይንተኬ።

14 ዋልቃዲት ክርሰቶስ ሙደንካንታ ክታ ደእንሞኬ፥ ሙደነረ ክታ ደእን ካሰምድባብ ከታ ማትንተን ዎ ኤሳንኦል ክርሰቶስታ ሶልመና ዎ ፍግዝድንግንዳ ይሰዝዴ።

15 ሰንፔካ ዶቅድባብከሰ ሙደና ከትካንታ ደእሰባብካንተኬ ደእናርንከረ እምሰባብካንታ ከትዶቅድንግንዳ ዳት ኮዘንካ ኦሰ ይንታ ማታ ካንታ ጋየረኮ ኬት ዶቅዳክንግንዳ ክርሰቶስ ሙደንካንታ ደእሴ።

16 ይና ኮዘንካ ኦሰ ዎታ ዐይመነረ ኤድም ዋሀ እፍካ ሰደራየ፥ ኮታ ኤና እሪ ክርሰቶስመረ ዎ ሰዳንዳ ዐየነረ ኤድግንዳ ዋሀ እፍካ ማቼ ኦሰ እርንደታ ኮም ይዳኮቴ።

17 ኮካንታ ዐየነረ ኤድ ክርሰቶስታ ኮቶ ማቼ ክላ ፍዝርዬ፥ ገላ ፍዝርና ሰገቴ፥ ይና ክለና ካርንም የቴ።

18 ኮነረ ሙደና ማቻንዳ ዎም ይንካ ክክን ክርሰቶስካ ኤድምሰባብኬ ኤድምሰተረ ፍክሰን እምምሳንዳ ሳብዘንኬ።

19 ኮነረ ሳብ ክርሰቶስካ ፍጫሙደንታ ኤድንከሰም ሙዳ ይንካ ክክን ኤድምሴ ጋይንትዬ፥ ኬታ ባቶንመረ ኬታዘን ፋይዳክዬ፥ ዎካንተረ ኤድም ጮይሰካ ክክን ዎ ኤድምዘድንደትም ቃላ እምሴ።

20 ሳብ ኤድንከሰም ዎካ ኤልድንኦል ዎታ ክርሰቶስታ ክትምሰባብከሶቴ፥ ኮካንታ “ሳብካ ክክን ኤድምከቴ!” ጋይሶቶ ክርሰቶስታ ላምንካ ዎታ ምግዝዶቴ።

21 ዎታ ክርሰቶስካ ሳብታ ጭለትቼን ዎ ዐብድባብ ማተርንግንዳ ሳብ ጎማ ካያባብ ክርሰቶስም ዎንታ ጎመን ክት ባልድንግንዳ ማሰሴ።

6

1 ሳብካ ክክን የካ ፍግዝድባብ ዎ ማቻንከካ የ ተያንደትም ሳብታ ዉቶ እምንተን ዉቶኩን ዐይ ነክሰቴ ጋይሶቶ የም ምግዝዶቴ።

2 ሳብ፥

“ሶልምምሳንደት ሰጨንካ የዘደር ኤሰርሳቴ!

እቅንታ ሰጨንከረ የሰም አልሳቴ!” ጋይድንኦል፥

“ይና ሶልሞምሳን ሰጩና ታዬ፥ አቅንተንታ ሰጩኒረ ታዬ”።

³ ዋንታ ፍክሰና ይንኤርሞዳክንግንዳ ዐረሰን ሪከረ ዐየን ካንታ ኮተርሰባብ ማታዮቴ።

⁴ ሰግሰሰረ ማጠንሞኬ ዘረሞ ገቅርካ ኦይምመረ ዳንዳኤሮቶ ሳብታ ፍክሰንባብከሰግንዳ ዋንታ ማተንሞ ዐምንጎግከረ ግግዝዶቴ።

⁵ ሳብታ ፍክሰንባብ ዋንታ ማትንተንሞ ዋ መያ ማዝድንደረ ዐርድርካ፥ ዘክርካ፥ አዉልካ፥ ፍክሰካ ጋፍካ፥ ግንኦክሳ ነግንካ ዳቅርኬ፥

⁶ ኮትኮግንደረ ጭለጭልኬ፥ ኤሰካ፥ ዳንዳኦካ ጋይንተካ፥ ላቅሞ ኤድ ማትንተካ፥ አያን ጭልንካ ጎርሰምኬ አፈካ ገሰ ካየንደት ሶልመካ፥

⁷ ደፈን ቃለንኬ ሳብታ ዋልቀንካ ኦሰ ዋ ካይዝድንደረ ማታ ዋንዘን የልዳክንግንዳ ዋ ማርድንዳ ዋንታ ዳምንደና ጭለትቼኔ፥

⁸ ቦንቻ ካንታናንከረ የላካንታ ዳቅልካ ከዝር ካንተረ ማታ አነረ ቦንቻምካንታ ዋታ ግግምሰባቦቴ፥ ደፈንንከሰ ዋ ናና፥ ገሰንባብከሰ ጋይምሶቴ።

⁹ ኤሰምሰባቦት ናና ኤሰማክባብከሰ ማቸቴ፥ ደእተኬ ዋም ጋይድንካ፥ ሰንፔካ ማትሶ ዐረርዶቴ፥ ዋ ጉጸርሰንከረ ደእተቴ፥

¹⁰ ሞርእ ዋም የልሰረ ሙዳዐይካ ጉርምዶቴ፥ ሪካየንባብከሰ ማትሶ ዋ ደቅድንካ፥ በድንከሰም ቆልማባብከትም ማሰዝዶቴ፥ ዐረጎረ ካየንባብ ዋ ማድንካ ሙዳ ሪ ዋንታ ደቅዴ።

¹¹ የታ ቆርንቶስ ካተመናር ደቅድን ኤድንከሶ! ይና፥ መየካ የካንታ ከዝቶቴ፥ ዋንታ ቡደንመረ የካንታ መያ ማሰቶቴ።

¹² የታ የንታ ሶልመንም ዋካንታ ኡዘት ዳት ዋታ የካንታ ኡዛኮቴ።

¹³ ባቤና ይንታ ይንቻንከሰካንታ ኬዝድንግንዳ እ ኬዛጋካ፥ ዋታ ዋንታ ቡደን የካንታ መያ ማሰቶቴ፥ ዋንታ ገቅንመረ የካንታ መያ ማሰሳንግንዳ የተረ ኮትግንዳ ይይከቴ።

አሜንዳክባብ ኤድንከሰካ ክክን ማትክሳ ነግ

¹⁴ ዝግዝዳክንግካ አሜንዳክባብ ኤድንከሰካ ክክን ዐይዙገረቴ፥ ጭለትቼኬ ጎመካ ዐሰግንደክ የካ ማዳ? ሳክመኬ ኡምካ ዐሰግንደክ የካ ደቅካንታ ማዳ?

15 ክርስቶስኬ ዳብሎስካ ዐስግንደክ ክክ ኤእዳ?
አመንድባብኬ አመንዳክባብካ ዐረከክ ኮችሞዳ?*

16 ሳብታ ጭል ኤሄና ጮይሰ ማታክባብከሰሞ
ጎይነርድንደትካ ዐራ ዋልቃትች ደቅዳ? ሳበረ
“እስታ ደቅንቴን እስታ ዋርሰንታ ዋክያር ማሰዘድቴ፡

ከትከረ ክክን ደቅትቴ፡

እታ ከታ ጮይሰ ማትቴ፡

ከተረ እስታ ዋርሳ ማደኬ።”

ጋይሶ ኬዛንደትግንዳ ዋታ ዋልቃ ዋልቀና ሰለንካ ደቅድባብ
ሳብንታ ጭል ኤሆቴ።

17 ጉጅሰረ ጮይሰ ኩን ጋይቴ፡

ከ ኤድንታ ዋክያርንካ ፋሰሞሰቶ ዉትከቴ፡

ቴና ማቻን ሪን ዐይዎለቴ፡

እተረ የሞ እስታ ማሰሰቶ ኤልድቴ፡

18 እታ የንታ ባቤና ማድቴ፡

የተረ እስታ አኻና ይንችኬ ማና ይንች ማተረቴ፡

ጋይዴ ሙደንሞ ጋሞድባብ ጮይሰ።

7

1 ይና እስታ ኮችንከሶ፡ ኮና ሙዳ ዐድን ጉርሞና እምሞሳንዳ
ዋካንታ ማቻንኦል ዋሄንሞኬ እያንን ቴና ማዘድን ዐራ
ሪዘንከረ ዋንታ ማተን ዋ ጭልሳ፡ ሳብመረ ጸሰካ ሳብካንታ
ዋንታ ፋሰሞና ቦድማ ማድንግንዳ ዋ ይያ።

ጸውሎስታ ጉርሞ

2 የንታ ቡዳርንካ ዎሞ ሞከቴ፡ ዋታ ዐይመነረ ዳቀልሳኮቴ፡
ዐይመነረ ኤፈልሳኮቴ፡ ዐይመንመረ ዋንታ ማታካንታ
መይድንግንዳ ይያኮቴ።

3 ኮመረ እ ጋይድንዳ የንዘን ፋረድካንታ ካዬ። ኮታ ኤና
እሪ የካንታ እ ኬዛንግንዳ የታ ዋንታ ቡዳር ደቅደቴ፡ ኮካንታ
ደቅንተከረ ማታ ደእከረ ሙዳዐይካ የንዘንካ ፋሰሞዳኮቴ።

* 6:15 ዳብሎስ ጋይንት ግርክ አፈካ “በልያል” እነረ “በልያር” እብራይስጥ
አፈካ “በልእል” ጋይሞሶ ኤልሞዴ። ቡልና “መይዳክንዳ” እነረ “ህግ ካየንዳ”
ጋይንት ማድንካ ሰጣንታ ላም ማትሶ ዐረሮዴ። 6:16 ሌዊ. 26:12፤ ሕዝ.
37:27፤ 1 ቆሮ. 3:16፤ 6:19። 6:17 ኢሳ. 52:11። 6:18 2 ሳሙ.
7:14፤ 1 ሳሙ. 17:13፤ ኢሳ. 43:6፤ ኤር. 31:9።

4 የንታዘን እስታ ደቅድንዳ አሜንና አንድሬ፥ የንታዘን እስታ ደቅድን ጨቅና አኬ፥ የንከረ ዳቅድቴ፥ ዋንታ ማጣ ሙደንካ አንድርካ ጉርምድቴ።

5 መቅዶና ፍጨናር ዋ የልሳንደትካ ዋራ በድ ፍነንካ ማጣ ዋም የልሳ ዳት ዐረነረ ዐጪስ ዐፋኮቴ፥ ማልካ ዋጭማ ኤርካ ጳሰ ዋንዘን ዐቁ።

6 ኬዛርንካ ማቼ ቶቶምሰባብከሰም ዳቅዘድባብ ጮይሰና ቲቶታ ዐድንተንካ ዋም ዳቅሰቴ።

7 ዋ ዳቅሳንደረ ክታ ዐድንተንካ ዐክ ማታክናና የታ ክትም ዳቅሰባከሰ ማትንተን ዋንታ ኤሰርንተንከረ ዋሬ፥ እካንታ የንታ ደቅድን ሱነከ ሞርእን የንታ ኦይምንመረ ዋካንታ ክት ኬዛንደትካ ሰግ ዋም ጉርምሴ።

8 ኮታ እሪ የካንታ እ ጸፍሳንዳ ክተና የም ሞርእዘድንዳ ማቼረ ዋራ ክቴን እስታ ጸፍንካ ኡቁምዳክቴ፥ እ ኡቁምሳናነረ ዋራ እ ኡቁምሳን እስታ ክቴና ቶክምካ የም ሞርእሳንካንቴ።

9 ታ ማቼ እም ጉርምሰቴ፥ እም ጉርምሳን ጎግና የም እ ሞርእሳንካንታ ማታክናና የንታ ሞርእንካ ጎማ የንታ ፍክሰን ዋይሰሰቶ የንታ ኦክምንኬ፥ ይና የንታ ሞርእና ሳብታ ጋይተንግንዳ ማቻንካ ዋታ የም ዐረነረ የም ዳቀልሳኮቴ ጋይንትዬ።

10 ሳብታ ጋይተንግንዳ ማድንዳ ሞርእና ኦሰ አቅንተደር ጎርዝድንዳ ጎማ ፍክሰን ዋይሰካ ዐፈርድን ኦክምን ዐፍዝድን ኦል ኡቁምሰዝዳክዬ፥ ኮ ፍጫሙደንዘን ደቅድን ሞርእና ማቼ ደእንም ተይዐዬ።

11 ኮና የንታ ሞርእና ሳብታ ጋይተካ ማትና ዐስግንዳ ደቅድን ዋንዘን የልዳክንግንዳ ማሰን እምካንታ፥ ዐስግንዳ ደቅድን ሳነካ ዋጭን፥ ዐስግንዳ ደቅድን ጳሰን፥ ዐስግንዳ ደቅድን ሱነም፥ ዐስግንዳ ደቅድን ቀምሰምን፥ ዐስግንዳ ደቅድን ዋጭንመረ ተይዐዳንደትም ቡደርሶ ገቀርከቴ። የታ ጉጅሶ ሙዳ ርከረ የም ኦይሰዘድ ሪያርንካ ባዛካይሳ የንታ ማትንተን የታ ማርከርሰተቴ።

12 ኮካንታ ዐረነረ ዋራ የካንታ እ ጸፍሴ እ የካንታ ጸፍሳንዳ ዋካንታ የንታ ደቅድን ዳቅና ሳብታ እሪ የካንታ መያ ማድንግንዳ ጋይሰቶ ዳት ዳቀልሰ ፍክሰባብካንተኬ ዳቀልሰ ክታዘን ቦድምሰባብ ኤድካ ጋይሰቶ ካዬ።

13 ዎ ዳቅሳንደዘንከረ ሰግ ቲቶ ዐፍላፓ ጉርምንካ ሰግሰሶ ጉርምቶቱ፥ ዎ ጉርምሳንደረ የታ ሙደና ትቶም የ ዳቅሳንካንተኬ ክታ እያንን የ ኡክንሳንካንቴ።

14 የንካ እስታ ደቅድንደትም ጨቅን ቲቶካንታ ከሰትት ደቆ፥ የተረ እም ኡሰንሳከቴ፥ ሙደዐይከረ ዶፈንን የም ከዘድ ዐቆቱ፥ ኮነረ የኅካ ቲቶካንታ ዎ ኬዛን ጨቅና ዶፈን ማትንተካ መያ ማቼ።

15 የታ ሙደነረ ክትምድባብከሰ የ ማቻንግንዳ ጳሰከ ጭጭከረ ክትም የ ሞክሳንግንዳ ትቶ ገቀርድንካ፥ የካንታ ክታ ደቅድን ሶልመና እንድር በድዬ።

16 እተረ ሙደ ጎግካ የንካ አሜንምካንታ እስታ ማትንተንካ ሰግሶ እም ጉርምሰቴ።

8

አሜንድባብከሰታ ቡዳርንካ እምንታ

1 እስታ እስመንከሰኬ ሞቕንንከሶ! ሳብ መቅደና ፍጨናር ደቅድባብ ዐክ ዐክ ሞክሰ ኤሄናር ኤድንከሰ እምሳን ዉቕ እምንተን የ ኤዘድንግንዳ ሶልምዶቴ።

2 ኬታ በድ ማጠካ ጳጭምተኬ፥ ማታጋካ ዳት ኬታ ጉርምና እንድሬ፥ እንድር ሪካየንባብከሰ ከት ማቼረ ዎራ እንድር ማቻን ቡዳርንካ እምንተን እምተኬ።

3 ከደር ማድንከከኬ ከደር ማድንደትዘንከረ ሰግሰሶ ኬታ ይ ገቀርሳንደትም እምሳንግንዳ እታ ከትካንታ ማርከርድቴ፥

4 ይሁዳ ፍጨናር ደቅድን አሜንድባብከሰም አሌን አመርድንዳ ኬታዘንካ ነግምዳክንግንዳ ዳቅሰሶ ዎም ሞክሰኬ፥

5 ኬት ይሳንዳ ዎ ካርሳንደትዘንካ ሰግዬ፥ እሪምሶ ከታ ይንታ ማተንም ጮይሰካንታ እምሰኬ፥ ኮታዘንከረ ሳብታ ጋይተካ ከታ ይንታ ማተን ዎካንታ እምተኬ።

6 ኮም ፍክሰን እርምሶ የጅባብ ትቶ ማቻንካንታ ታየረ ኮትኮም ቡዳርንካ እምንታ ፍክሰን ቦድንታ የልዘድንግንዳ ክትም ሞክሰቶቴ።

7 የታ አሜንካ፥ ኬዘካ፥ ኤሰካ፥ ዳቅንተካ፥ ዎካንተረ የንታ ደቅድን ሶልመካ ሙደ ርይካ ሰገደቴ፥ ኮ ቡዳርንካ እምንታ ፍክሰንከረ የ ሰገድንግንዳ ማታ።

8 ይና፡ ኮም እ የም ጋይድንዳ ክተካ ካዬ፥ ኬዛር ማቼ ኡብንከሰታ እምንተታ ዳቅንተን የንታ ዳቅንተካ ክክን የክሰካ የንታ ሶልመንታ ዶፈንን ኤሰካንታ ጋይሰቲ።

9 የታ ዋንታ ጮይሰን የሱሰ ክርሰቶሰታ ዉኙ እምንተን የታ ኤዘደቲ፥ ኖ ክርሰቶሰ ዐረነረ ዋራ ቆልመካ ማቼረ ክትካ ሪ ካየንባብ ማትና የታ እና ቆልመካ ማተርንግንዳ የካንታ ጋይሶ ኖ ሪ ካየንባብ ማቼ።

10 ኮርንሳካ የካንታ ኡርመም ካምሶ እካንታ ዐፈርሳን ዞረን የካንታ እምድቲ፥ ሰገዳን ሰለናር እማካንታ ዐክ ማትክናና ኮም ይካንታ እርምሶ ዝግዝባብከሰ የታ ዐቀቲ።

11 ኮካንታ የ እምካንታ ገቀርሳን ገቅርና ፍክሰዘን ዐቅሶ ቦድንተዘን የልድን ግንዳ የ ጋይሳን ከካ የ ገቀርሳን ኮትም ታ ይከቲ።

12 እማካንታ ኡርማ የሰታ ገቅር ዶቅሴ ኤድ ቡዳርንካ እምድንደና ዝግዝድንዳ ካምሶ ዐፈርድንደና ይንታ ዶቅድን ከካ እምድንካ ዳት ይንታ ካየንደትዘንካ እምድንካ ካዬ።

13 ኮመረ እ ጋይድንካ የታ ሙደነረ የካ የ ማድንግንዳ ዳት የታ እምንተካ የ ማጠርድንካ ኡብንከሰ ዐፈዝድን ግንዳ ጋይሰቶ ካዬ።

14 የ ማጠርድንደት ዐይካ ከታ ቆልመና የንታ ማጣካንታ ዐቅድን ግንዳ ታ የንታ ቆልመና ከታ ማጠንካንታ ዐቃ፥ ኮግንደካ የንታ ዋክያር የካ ማትንታ ዶቅተሬ።

15 ኮነረ፡- “ቦድ ሳንሰባብካንተረ ና ክትካንታ ሰጣክዬ፥ መርሰን ሳንሰባብካንተረ ና ክትካንታ ዘገራክዬ” ጋይምሶ ጸፍምሳን ግንዳ።

ቲቶክ ክታ ላኮይትንከሰካ

16 እታ የካንታ እ ገቀርድንደትከካ ቲቶረ የካንታ ይንታ ቡዳርንካ ክት ገቀርድንግንዳ ይሰባብ ጮይሰ ጋለትማ።

17 ትቶ የንደር ክት ዐድንዳ ይንታ ገቅርካ እምሶ ጉርምካ ዳት ዋታ ክትም ምክሳን ካንታ ዐክ ካዬ።

18 ክላ ኬዘን ክታ ሳባክንካ ዐክ ዐክ ምክሰ ኤሄናር ሙዳ እንጅምሰባብ እስመንም ክትካ ክክን ኦይቶሮቲ።

19 ኮዘንከረ ሰግ ኮና እስመና ዋታ ኮኡርማ ፍክሰን ጮይሰታ ቦንቻካንታ ዋ ቦድንከ ፍክሰካንታ ዋንታ ዶቅድን ኡርማ ገቅርን

ዎ መያ ማዘድንካ ዋንካ የካ እየሮ ፍግዘድባብ ማድንግንዳ ዐክ ዐክ ምክስ ኤሄናርንካ እድምሰባቤ።

20 ኮም ቡዳርንካ እምምሳን ብረን ዎ ገችዝድንካ ዐረሰነረ ይንኤር ዋንዘን የልዳክንግንዳ ካርሰምዶቴ።

21 ዋንታ ገቅርና ጮይሰታ እሪ ዐክ ማታክናና ኤድንከሰተረ እሪ ኡርማ ማቻን ሪም ይንቴ።

22 በድዐይካ በድ ጎካ ጳጭምሶ ዳቅማ ማትሶ ዐፈርሰባብ ዋንታ እስመንም ቲቶ ከሰካክክን ዎ ኦይችባበረ ኮትኮነኬ፥ ኖ የንታዘን ክታ ዶቅድን አሜንና አንድርይ ማቻንካንታ ታ ኮ ፍክሰንካ አላካንታ ክታ ዶቅድን ዳቅና ሙዳዐይካ ሰግዳንዴ።

23 ቲቶ ጎካ ኤሰ ዝክሴ የም አላካንታ እንካ የካ ፍግዘድባብ እስታ ፍክሰታ ላኮይቴ፥ ክትካ ክክን ዐድባብ አብን እስመንከሰንካ ማቻንዳ ማቼ ክታ ዐክ ዐክ ምክስ ኤሄንከሰታ ካርያር ማድባብ ክርሰቶሰታ ቦንቼንካንታ ዋእሰባበኬ።

24 ኮካንታ የንታ ሶልመን ከትካንታ መያ ማሰሰከቴ፥ ኮግንደካ ዋንታ ሶልመንኬ የንዘን ዋንታ ዶቅድን ጨቅና ዉችኩን ማታክንደትም ዐክ ዐክ ምክስ ኤሄንከሰካንታ ሙዳ ሰጅደቴ።

9

አሜንድባብከሰካንታ ይይምሳንዳ ዉቻ

1 ይሁዳ ፍጨናር ዶቅድባብ አሜንድባብከሰካንታ ይይምድን ዉቸንጎካ እ ጸብድንግንዳ የካንታ ዝክሳዬ፥

2 “አካያ ፍጫ ኤድንከሰ ሰገዳን ሰለንዘንካ የድሶ አላካንታ ግግምሰባብከሰኬ” ጋይሰቶ መቅዶና ፍጫ ኤድንከዘደር የጎካ እ ጋይርድንዳ የንታ ዳቅንተን እ ኤዘድንካንቴ፥ የንተረ ዳቅንተና አብንከሰም አምሰሰቴ።

3 ኮ ሪንካ የንታዘን ዋንታ ዶቅድንዳ ጨቅና ዉች ማትሶ ነጋይንግንዳ ኬና እስመንከሰም ኦይድቴ፥ የተረ ገታ እታ ኮታ እሪ እ ኦይቻንግንዳ ግግምሶ ካርሰከቴ።

4 መቀዶንያ ኤድንከሰ እንካ ክክን የንደር ዐድሶ ግግማክባብ ማትሶ የ ዶቅድንካ የም ዐፍሴ የንካ ዋንታ ጋይርንካ ኦሰንዶቴ፥ የታ ማቼ እንድንካ ኦሰንደቴ።

5 ኮካንታ እምካንታ የ ጋይሳን ቡዳርንካ እምንተን እሪናና የ ግግዘድን ግንዳ የም ገቅርዝድንግንዳ ጋይንተካ ኬና እስመንከሰ እዘንካ እሪምሶ የንደር ኬት ዐድንግንዳ ይይንተና

ዝግዘድንዳ ማቻንኦል፤ ኮግንደካ እ ዐድንዐይካ ቡዳርንካ የንታ እምንተና ግግምሳንዳ ማዴ፤ የተረ የ እምድንዳ ሶልማክሳ ማታክናና የንታ ቡዳርንካ ማትንተንም ሰጅዴ።

6 “ቶክም ማሰባብ ቶክምካ ሰክዴ፤ በድ ማሰባብ በድካ ሰክዴ” ጋይድንደትም ጋይተን ገቀርከቲ።

7 ኮካንታ ሳብ ሶልምድንዳ ጉርምካ እምድባብ ኤድም ማቻንካንታ ዋልቃ ዋልቀና እማካንታ ይዝግዛንደትም ይንታ ቡዳር ጋይሶ ጉርምካ እማ ዳት እምትቶ ነክትቶ ጋየር ሶልማክ ደቆ ዐይ እማ።

8 ሙዳዐይካ ሙዳ ሪካ የንታ ማተንካንታ ማድባብ ማትሰቶ ኡርማ ፍክሰዘን ሙዳ ዐቅሰካንታ የም ማተርንግንዳ ሳብ በድካ ይንታ እንጀንም የካንታ እምተሬ።

9 ኮነረ፤

“ሪካየንባብከሰካንታ ቡዳርንካ እምሴ፤

ክታ ጭለትቼነረ ሰለንክንደታ ደቅተሬ”
ጋይምሶ ጸፍምሳን ግንዴ።

10 ማዝድባብካንታ ማሰንም፤ እኛምካንታ ሶለንም እምድባብ ጮይሰ የ ማዝድን ማሰን በኛሶ የካንታ እምዴ፤ የንታ ቡዳርንካ እምንተንታ አፍን የካንታ በኛሰተሬ።

11 የንታ ቡዳርንካ እምንተና ዎኅካ ከትም የልድን ኤድንከሰ ሙዳ ሳብም ጋለተርንግንዳ ሙዳዐይካ ቡዳርንካ የ እምድንግንዳ ሳብ ሙዳ ሪካ የም ቆልማባብ ማሰተሬ።

12 ኮና የ ቦድንዳ ቡዳርንካ እምንታ ፍክሰና እሜንድባብከሰም ማጠናርንካ ዉኛዘንከረ ሰግ ኤድንከሰ ሳብካንታ በድ ጋለቻን እምድንግንዳ ከትም ይሰዘዴ።

13 ኮና የንታ ቡዳርንካ እምንታ ፍክሰና የታ ክርሰቶሰታ ክላ ኬዘንም ኤስርሰቶ እሜንምሰባብከሰ የንታ ማትንተን ከትካንተከ ኡብንከሰካንተረ የንታ ቡዳርንካ እምንተን መያ ማሰዘድንዳ ማቻን ካንታ ሙደነረ ሳብም ጋለደኬ።

14 ከተረ ሳብ የካንታ እምሳንዳ ሰግ ማቻንኅካ የም ከት ሶልምድንካንታ የካንታ ምግዘደኬ።

15 ኤታ ኬዘካ ከሰት በይሰምዳክን ዉኛ ክታ እምንተንኅካ ሳብ ጋለትማ።

10

ጳውሎስ ሳብታ ፍክሰንካ እምሳን ኬዘንታ ማስ

1 እታ ጳውሎስ የንታ እሪ እ ደቅድንካ ማታ ይንታ ይርክሳ ይድባብ ጋይምሰቲ፥ የንዘንካ እ ጎተርድንካ ማቼ የንዘን ሙቅምባብ ጋይምሰቲ፥ ክርስቶስታ ሀልስምናርንኬ ላቅምናር እታ የም ምግዝድቲ፥

2 እ የም ምግዝድንደረ የንደር እ ሀድንደት ሀይካ ሙቅምካ እ ኬዝድንግንዳ የ ይያባብካይሴ፥ ዋሄታ ገቅርካ ዋ ኦንግድንደትግንዳ ማሰሶ ሰድን ዋልቃ ዋልቃ ኤድንከስታ እሪ ሙቅምካ ኬዛካንታ ዝግድቲ፥

3 ሀረንረ ዋራ ፍጫሙደንዘን ዋ ደቅሰረ ዋዳምድንዳ ፍጫሙደንታ ዳምና ካይ፥

4 ዋንታ ዳምይ ካችምንከሰረ ዳምንካ ጋይሶ ሰይንካ ኤርሰርሳን ጋሰን ወልእካንታ ማሰዘድንዳ ሳብታ ዋልቃ ደቅድባብከሰ ዳት ኮ ፍጫሙደንታ ዳምይ ካችምንከሰ ካይ፥

5 ሳብም ኤሰንታ ዘን ጎሀ ማትሰኮ አምድን ቤርምከ ኦትረም ወልእደቲ፥ ኤድተረ ገቅርንም ሙዳ ፈንክ ማሰርቶ ክርሰቶስካንታ ክትምድንግንዳ ይደቲ፥

6 የንታ ክትምና ቦድማ ማድንካ ሀምንመረ ክትምክሳ ነግንም ዋጭካንታ ግግምሰባብ ማደቲ፥

7 የ ሰድንደና ማልካ ሀረርድን ርም ሀክዬ፥ ሀየንረ ኤድ እታ ክርሰቶስትተ ጋይሶ ክት አሜንምሰ ካርንካ ክት ገቅራ፥ ዋተረ ክትግንዳ ክርሰቶስታ ዋንታ ማትንተን ክት ገቅራ፥

8 ጮይሰ ዋካንታ እምሳን ገችታ ኤረንካ እንድር እ ጋይርሰረ እታ ክትካ ኦሰናይቲ፥ ኮና ገችታ ኤረና ዋካንታ እምምሳንዳ የም ዋይሰካንታ ዳት ወልእካንታ ካይ፥

9 እስታ ክተንከሰካ የም እ ጳሰዘድንዳ ሀይካማ፥

10 ሀረንግርካ ዋልቃ ዋልቀንከሰ “ጳውሎስታ ክተንከሰ ደጭመኬ ዳቅመኬ፥ ኖይንታ ማታርንካ ዋንካ ክክን ማድንካ ማቼ ኖ ጋፍሰባቤ፥ ክታ ኬዘነረ ቶችምምሳንዴ” ጋይደክ ማተሬ፥

11 ኮም ጋይድን ኤድንከሰ ዋታ ሳትካ ማትሶቶ ዋንታ ክተንከሰካ ዋ ጸብድንደትኬ ቅንችከረ የንካ ክክን ማትሶቶ ዋ ፍግዝድንደታ ዋክያር ሀረንረ ፋሰም ካየንደትም ከት ገቅራ፥

12 ማታጋካ ዳት ኬታ ይንታ ማተንም ጎፍዝድን ዋልቃ ዋልቃ ኤድንከሰካ ክክን ዋንታ ማተንም የክሰካንታ ናንከረ እና ዋንታ ማተን የርክሰካንታ ጉራዮቲ፥ ኬታ ማቼ ይንታ ማተንም

ይካችካ የርክሰንከ ኬታ ይንታ ማተን ይካችካ የክሰንካ ገቀርት ተይድባብከሰ ካየኬ።

13 ዋታ ማቼ የንደር ዋ የልተሪን የለልታ ዋራ ሳብ ዋካንታ እምሳን ፍክሰንታ ጋይርዶት ዳት ዝግዝድንደትዘንካ ሰግ ጋየርድባብ ካዮቴ።

14 የተረ የ ደቅድንዳ ዋንታ ፍክሰን ኮታር የ ማቻንካንታ ክርሰቶሰታ ክላ ኬዘንም ኤሰሰካንታ የንደር ዋ ዐዳንደትዐይካ ፍክሰንኮታ ገረንዘንካ ሰጋኮቴ።

15 ኮካንታ ሳብ ዋካንታ ጋይሳን ገረንዘንካ ሰግሶቶ አብንባብከሰታ ፍክሰንካ ዋታ ጋየራዮቴ፤ ሰግሰሰረ የንታ አሜንና ጋጵድንግንደክ ዋንተረ ፍክሰና ሳብ ዋካንታ ጋይሳን ገረን ግርዳ የንታ ዋክያር ሰግሶ ዳልግድንግንዳ ጉርም ይዶቴ።

16 ይና አብ ኤታ ፍክሰንታ ገራር እርድሶቶ እሪምሶ ፍክሰምሳን ፍክሰካ ጋየራኮት ዶቆ የንዘንካ ኦሰ ደቅድን ፍጨንከሳር ክላ ኬዘንም ኤሰምሰካንታ ማዶቴ።

17 ኬዛር ማቼ “ጋየርድባብ ጮይሰካ ጋይራ”።

18 ኤድ ጎፍሰምካንታ ማድንዳ ጮይሰ ክትም ጎብዝድንካ ዳት ይንታ ማተንም ይንት ጎብዝድንካ ካዬ።

11

ጳውሎስኬ ካርከካ ኦይትምሰባብከሰ

1 ቶክም እሰታ ዳችርን የ እም ዳንዳእተርንደትም ጉርም ይዶቴ፤ ዋደቴ እም ዳንዳእከቴ።

2 ዋልቃ ይንቼን አንጃ ሙካክንዳ ዋልቃ አጎናካንታ ሶርምድንግንዳ እተረ የም ክርሰቶሰካንታ እ ሶርሳንጎካ እያናር ማቶሶ ጋይሶቶ የካንታ ገቀርድቴ።

3 ጉንና ሄዋነትም ይንታ ጨበንካ ኮተርሳንግንዳ ዐረንግርካ የንተረ ገቅርና ባድሶ ክርሰቶሰካንታ የንታ ደቅድን ሉለከከ ጭለጭል ማቻን የንታ አሜንምን ዛቅተሬ ጋይሶቶ እታ ጸዘድቴ።

4 ዋልቃ ኤድ የንደር ዐድሶ ዋ ሳባክሳንደትም ማታክናና አብ የሱሰ ጋይሶ የካንታ ክት ሳባክሴ አነረ የተያን እያንን ማታክናና አብ እያንን የ ተዬ፤ አነረ የተያን ክላ ኬዘንም ማታክናና አብ ክላ ኬዘንም የ ተይዴ፤ ጫምን ጋይሶቶ ሰግዝደቴ።

5 ኬዛር ማቼ እታ ከትኬና አንድር ኦይትምሰባብከዘንካ ሀራርከረ እታ ቶግድባብ ካይቲ።

6 ኬዘካ ሩርምባብ እ ማታክባብ ማቸረ ዋራ እሰታ ኤሰና እዘንካ ዘገራዬ፥ ኮመረ በድሀይካ በድ ጎግካ መየካ የንታ ቡዳር አርድንግንዳ ይቶቲ።

7 እታ ሳብታ ክላ ኬዘን ናክካይሳ የካንታ እሰታ ሳባክንከ የም ጨክሳ ይካንታ እሰታ ማተንም ቶቶና ሀረንግርካ ጎማግንዳ እዘን ፋይድምታ ዳቶ?

8 የካንታ ፍግዘድቲ ጋይሰቶ አብ ሀክ ሀክ ምክሰ ኤሄናርንካ አለንም ተይትቲ፥ ና ኮነረ ከትም ቡረም ካምዴ።

9 የንካ ክክን ዶቅድቶ ማጣ እዘን የልሳን ሀይካ መቅዶንያ ፍጨናርንካ ሀድባብ እሰመንከሰ እም ዝግዘድ ሪ ሙደንካ እካንታ አለንም አልድዮ ከትሀታንካንታ ሀየንካንተረ ባላ ማታክቲ፥ ታ የለልታ የንዘን ሀራርከረ ባላ ማታክቲ፥ ኦሰ እርንካንተረ ባላ የንዘን ማታይቲ።

10 ክርሰቶሰታ ዶፈንና እሰታ ዋር ዶቅንተንካ እ ጨቅዳክንግንዳ እም ይሰዘድንዳ እካያ ፍጨናር ሀየንረ ካዬ።

11 ሀራካንተረ? እ የም ሶልምዳክንደትኅኩ? እ የም ሶልምድንደትም ሳብ ኤዘዴ።

12 ከታኬና አብና ኦይትምሰባብከሰ “ዋተረ ከትግንዳ ፍግዘድቲ” ጋየረኮ ከት ጋይርድን ጎግንም ካይሰካንታ ታ እ ይድንደትም ኦሰ እሪንካንተረ ይድቲ።

13 ከት ኬናግንዳ ዶቅድባብ ኤድንከሰ ክርሰቶሰታ ኦይትምሰባብከሰም ካምካንታ ከታ ይንታ ማተንም ኦንግድባብ ካርከካ ኦይትምሰባብከሰከ ገሰካ ፍክሳ ኦንግድባብከሰኬ።

14 ኮነረ በርእሰዘድን ሪ ካዬ፥ ሰጣን ዋራ ሳክመንታ ክታይንቶም ካምካንታ ይንታ ማተንም ኦንግዴ።

15 ኮካንታ ከታኬና ሰጣንታ ፍክሰንባብከሰ ጭለትቹንታ ፍክሰንባብከሰም ካምካንታ ኬታ ይንታ ማተንም ኦክሰንከረ በርእሳዬ፥ በእንታዘነረ ኬታ ይንታ ፍክሰንታ ናክንም ሀብደኬ።

ጳውሎስ ኦይትምሰባብ ማትንተንካ የልሳን ማጣ

16 “ሀየን ኤድካንተረ እታ ዳቻ እ ማቻን ሀይካማ” ጋይሰቶ ካርንካ ኬዘድቲ። ዳቻ እ ማትሰቶ የንደር እ ሀራርሰንከረ ዋራ መራ እ ጨቅድንግንዳ ዳቻ እም ማሰሰቶ ፋይድከቲ።

17 ኮግንደረ ጋይርካ እ ኬዘድንካ ና ኬዘና ጮይስታ ጋይተንግንዳ ማታክናና ዳቸንግንዳ ማትሰቱ።

18 በድንከሰረ ዋህ ሪካ ኬት ጋይርድንካንታ እተረ ጋይርድቱ።

19 የታ ገቀርት ተይድባብ የ ማቻንከካ ዳቼንከሰም ጉርሞካ ዳንዳእደቱ።

20 ኮትኮግንደረ ዐየንረ አይላግንዳ የም ማሰሰረ፣ ዐየንረ የንታ ደቅድንደትም ሙዳ ተየረ፣ ዐየንረ ይም መይድንግንዳ የም ማሰሰረ፣ ዐየንረ የም ቶችሰረ፣ ዐየንረ የንታ እፍያር ጫቅሴ ዳንዳእደቱ።

21 እም አሰንዘድንዳ ማቸረ ዋራ ኬና ሪንከሰም ይይካንታ ዛብዘባብከሰ ዋ ማታክንደትም የካንታ መያ ማዘድቱ።

ኬዛር ማቼ ዐየንረ ጋይር ካንታ ማዴ እተረ ክትግንዳ ጋይርድቱ፣ ኮመረ እ ጋይድንዳ ታየረ ዳቼንግንዳ ማትሰቱ።

22 ኬታ ዕብራውያን ኤደኮ? እተረ ዕብራውያን ኤድቱ፣ ኬታ እሰራኤል ኤደኮ? እተረ እሰራኤል ኤድቱ፣ ኬታ አብራሀመታ ሱሰኮ? እተረ አብራሀመታ ሱሰቱ።

23 ኬታ ክርሰቶስታ ፍክሰን ባበኮ? እተረ ከታዘንካ ሰግ ክርሰቶስታ ፍክሰባብቱ፣ ኮመረ ጋይድቶ ዛዘርባብግንዳ ማትሰቶ እ ኬዘድንዳ፣ ከታዘንካ ሰግ በድዐይካ ፍክሰካ ጋፍትቱ፣ በድዐይካ ዘክርትቱ፣ በድዐይካ ዐርደርትቱ፣ በድዐይካ እም ደይዘድ ሪይካንታ የልትቱ።

24 ቦንደከ ታሜከ ሳክላ፣ ቦንደከ ታሜከ ሳክላ ዝራፍካ ደንቅ ዱት አይሁድ ኤድንከሰካ ዐርደርትቱ።

25 ማከንዱት ጉፈካ ጉጸርትቱ፣ ዋልቃዱት ሰይንካ አቀርትቱ፣ ማከንዱት ሎቀዘንካ ቃልዘድን ማርከብንታ ማጣ እም የልቱ፣ ዋልቃ ሰጫ ሶይትከ ዐየካ ባሀርናር ዐቃቱ።

26 እስታ በድ ጎግ ሙክንትንካ ሙሪግድን ሎቀተኬ ሳፍተካ፣ ፋንገንከዘንከረ ማጠና እም የልቱ፣ አይሁድ እስታ ኮችንከዘንኬ አይሁድ ማታክባብከዘንካ ማጣ እም የልቱ፣ ካተመናርንካ ዴል ቆቼናርንኬ ባሃርናርከረ ማጣ እም የልቱ፣ ኮትግንደረ ካርካ አመንድባብከዘንካ ማጣ እዘን የልቱ።

27 በድ ፍክሰኬ ጋፍ እዘን ዐቁ፣ በድዐይካ ግንእክቱ፣ ዳቅርኬ ሎቃ ዋጭካንታ ዋችርካ ማጠርትቱ፣ በድዐይከረ

እችም እካንታ ካይቴ፥ ቃዘርኬ ዘና ጫለንካ ማትንተረ እም የልቴ።

28 እብንመረ ሙዳ ሪ ፋይዳክትዶቆ ዐክ ዐክ ምክሰ ኤህን ሙደንጎካ ሰጪን ሰጪንካ ገቀርካ ማጠርድ ዐቃቴ።

29 ዋልቃ ኤድ ጋብድንካ እታ ክትካ የካ እ ጋፋክንዳ ሰጫ ደቅዶ? ዋልቃ ኤድ ጎመካ ኮተርድንካ እ ሰነራክንዳ ዐንተረ?

30 ጋይር ዝግዝድንዳ ማቼረ እ ጋየርድንዳ እ ጋፍሰባብ ማትንተን ሰጅድን ሪንከሰኬ።

31 ሰለንክንደታ ጋለትምሰባብ ዋንታ ጮይሰን የሱሰ ክርሰቶስታ ጮይሰኬ ባቤን ሳብ እ ማልዳክንደትም ኤዘዴ።

32 ደማሰቆ ካተመናር እ ዐቃንደትካ ባንችን አረታሰታ ታመካ ደቅድባብ ፍጪንም ቆልድባብ እም የድካንታ ዝግሶ ካተመንታ ፋልተንከሰም ካርዝድባብከሰካ ካርሰዝድ ዐቁ።

33 ኬዛር ማቼ ኤድንከሰ ጋሰንታ ማሰኮትዘንጎካ ኩርኩርታ ዋር አርቶተኮ ኬት እም ዐንቶሰንካ ክታ አንናርንካ ሱርቶቴ።

12

ጳውሎስ ለምለም ጋይድንካ ክታ ሰድንና

1 ዐረጎረ ዋራ ጋይርንካ መይድሪ ዐረፈ-ክንዳ ማቼረ ጋይር ዝክሱ ጮይሰ እካንታ እምሳን መያ ማትንከ ለምለም ጋይድንካ እሰታ ሰድንካ ጋይርድቴ።

2 ክርሰቶስታ ማቶባብ ዋልቃ ኤድ ኤዘድቴ፥ ኖኮና ኤችና ታመኬ ኦይድ ሰለታ እሪ ማክምሰ ጭለን የለልታ ተይ አይምሴ፥ (ክት ተይ አይምሳንደረ ይንታ ዋሂንከረ ማታ ማትክሰረ ነጋ እታ ኤሳይቴ፥ ሳብ ኤዘዴ)

3 ኬዛር ማቼ ኮና ኤችና አሜንሶ ደእሰባብከሰታ ዐጪስ ካርናር ተይምሳንግንዳ ኤዘድቴ፥ ኬዛር ማቼ ይንታ ዋሂንካ የከረ ማታ ማታክሰረ ነጋ እታ ኤሳይቴ፥ ሳብ ኤዘዴ።

4 ኖ አሜንሶ ደእሰባብከሰታ ዐጪስ ካርናር አይሶ ኤታ ኬዘካ መያ ማትካንተኬ ኤድካ ኬዘምካንታ ማዳክንደት ሪም ኤሰርሴ።

5 ኮግንዳ ደቅድን ኤድካ ጋይርድቴ፥ እሰታ ማተንካንታ ማቼ እሰታ ጋፍንዘንካ አብ እ ጋይርድንዳ ሪ ካዬ።

6 ይና፥ እታ ዶፈንን ከዝድንጎካ ጋይር እ ዝግዘረ ዳቻ ማታይቴ፥ ኬዛር ማቼ ዐየጎረ እዘን ሰድንደትዘንከ እዘንካ

ኤስርድንዘንካ ሰግ ካሪ ኬት እምዳክንግንዳ ጋይሰቶ እስታ ጋይርንም ዛቅሳቲ።

⁷ ከትኬና እካንታ መያ ማችባብ እንድር ሪንከዘንካ እምሳንዳ እ ኦተርዳክንግንዳ እስታ ዋሄንም ጋል ግንዳ እግድን ማጣ እካንታ እምምሴ፥ ኮነረ ሰጣንታ ክታይንች ማትንተካ ቱንከር እም ማእሰካ እ ኦተርዳክንግንዳ ይዳ።

⁸ ኮና እም ማእዘድን ሪና እዘንካ **ዐልእድንግንዳ** ጮይሰም ማከን ዱት ምክሰቲ።

⁹ ኬዛር ማቼ ኖ “እስታ ዋልቀና ቦድማ ማትሶ መያ ማድንዳ የሰታ ጋፍንካ ማቻንካንታ እስታ ዉች እምንተና የሰም ማተሬ” እም ጋይሴ፥ ኮካንታ ክርሰቶሰታ ዋልቀና እስታዘን ማተርንግንዳ **ዐጸን** ሰጪዘንከረ ሰግሰሶ እስታ ጋፍንካ ጉርመርቶ ጋይር ካንታ ሶልምድቲ።

¹⁰ ዋልቃ እ **ዐብድንዳ** ጋፍሰባብ እ ማቻንደትዐይካ ማቻንካንታ ክርሰቶሰካ እታ ጋብድቶ፥ የከርድቶ፥ ማጠርድቶ፥ ዳየርምድቶ፥ ኤንእምድቶ ጉርምድቲ።

ጳውሎስ ቆርንቶስ ኤድንከሰካንታ ማጥርና

¹¹ ዳቸንግንዳ ኬዘቲ! ይና፥ ኩን እ ኬዘድንግንዳ እም ይሰሰባብ የተቲ፥ እም ቦንቻ ዝግዘድባብከሰ የተቲ፥ እስታ ኤደትቸንካ ኤሰማክባብ ኤድ እ ማችንከረ ዋራ እንድረከ ጋይምሶ ኦይትምሰባብከሳርንካ **ዐራርከረ** እታ ቶካይቲ።

¹² እታ ዶፈን ኦይትምሰባብ ማትንተን የንታ ቡዳር አርድንግንዳ ይድን ሪንከሰ እታ የንታ ዋክያር ዶቅድቶ ዳንዳእካ እ ቦዳዐቃንዳ ፍክሰንከሰ፥ ኬናከሰረ ቃዉተንከሰ፥ በርእዘድን ሪንከሰኬ አተንከሴ።

¹³ የንታዘን ባላ ማታክት ዶቆ እስታ ነግንዘንካ ኡብ **ዐክ** **ዐክ** ምክሰ ኤሄናር እ የም ቶክሳንዳ **ዐረከረ**? ኮነረ ባች ማትሶ ኮት ፋይድምሴ ነጋ እም ጋይከቲ!

¹⁴ የንደር **ዐድካንታ** እ ግግምድንካ ታ እስታ ማክምሰ ዱቲ፥ እታ የንዘን ባላ ማትካንታ ዝጋይቲ፥ እ ዝግድንዳ የም ዳት የንታ ብረንም ካዬ። ከታ ይንታ ይንችንከሰካንታ ቆልማ ሳንሰ ከትም ዝግዘድባብ አጥመንባብከሰ ዳት ይንችንከሰ አጥመንባብከሰካንታ ቆልመን ሳንሳየኬ።

¹⁵ የካንታ ዋራ እስታ ብረንም እስታ ማተንመረ ሰክሰት እ እምሰረ እንድር በድ እም ጉርምዝዴ፥ ይና እታ ኮከካ በችሰቶ እ የም ሶልምድንካ የታ እም የሶልምድንደና ኮግንዳ ቶክምኮ?

16 ማታጋካ ዳት ባላ የንታዘን ማታክቴ፤ ኬዛርንካ ማቼ ጨበኬ ገሰካ እ የም የጃን ካምዴ።

17 እ የካንታ ኦይቶባብ ኤድንከሳርንካ ዋልቀንካ ዋራ እካንታ መይድንግንዳ ይሰቶ?

18 ቲቶ የንደር ዐድንግንዳ ክትም ምክሰቴ፤ ኮ ዋንታ እሰመንመረ ክትካ ክክን ኦይቻቴ፤ ይና ቲቶረ ይም መይድንግንዳ የንዘንካ ይይሶ? እንኬ ክትካ ዋ የካንታ ፍክሳንዳ ዋልቃ እያንካ ካዮ? ዋንታ ሙክንትና ዋልቃ ካዮ?

19 የታ ሙደነረ ታ የለልታ የ ገቀርድንደና ዋታ የንታ እሪ ዋንታ ማተንዘን የልዳክንግንዳ ዋማርድን ካምሰሰንት ሰጂ? ዋታ ክርሰቶሳር ማትሶቶ ዋ ኬዘድንዳ ሳብታ እሪዬ፤ እሰታ ገርንንከሶ! ዋታ ኮም ሙዳ ዋ ኬዘድንዳ የም ዋይሰካንታ ጋይሴ።

20 እታ ኦ ዋሪ ዐድንደትዐይካ ዐረንግርካ የ ማታባብ እ ዝግድንግንዳ የ ማታክሳ፤ እቴረ የ ዝግድንግንዳ ማታክሳ ዐረርቴ፤ ማተረ ጋይሰቶ ጳዘድቴ፤ ኮትኮግንደረ የንደር ቴቺ፤ ቀምሰ፤ ዋጭ፤ ይንታ ማተም ሶልማ፤ ኤታ ላም ካይሰ፤ ካሪ ኬዛ፤ ኦትረኬ እዉል ዶቅዳ ማተሬ ጋይሰቶ ጳዘድቴ።

21 ካርንካ የንደር እ ዐድንካ እሰታ ጮይሰና ዐረንግርካ የንታ እሪ እም ቶቶሰተሬ ጋይሰቶ ጳዘድቴ፤ ኮታ ኤና እሪ ጎማ ፍክሰሰኮ ኮትኮ ኬታ ይ ፍክሳን ቱነንታ፤ ቤልምንተኬ እይተር ይንታ ማትንተንታ ጎማ ይንታ ፍክሰን ዋይሳክን ኤድንከሰካንታ ሞርእዘን እታ ዋጅድቴ ጋይሰቶ ጳዘድቴ።

13

በእንታ ዞረኬ እበቶ ጋይንት

1 ይና የንደሪ እ ዐድንካ ኮና ማክምሰዬ፤ ይና ሙዳ ሪ መያ ማድንዳ ቃሰተንካ ናንከረ እና ማከን ማርከኬ።

2 ቃሰትምሰ እ የም ሴታ ዐድንደትካ የንካ ክክን እ ዐቃንደትካ ካርሰምከቴ ጋይሰቶ ከዘትት ዶቆ፤ ታየረ ጉጅሶ ጎት ማትሰቶ ኮታ ኤና እሪ ጎማ ፍክሰባብከሰካንተኬ እብንከሰካንተረ ኤግዝምሰካ ኬዘድቴ፤ ታ የንደር ማትሰቶ እ ዐድንዐይካ ዐየንካንተረ እጨራይቴ፤

3 ክርስቶስ እያር ገኝሶ ኬዘድባብ ማትነተን የታ ኤሰካንታ ዝግደቴ፡ የንደር ዐፈርድንደና ክታ ዋልቀና ዳት ክታ ጋፍና ካዬ።

4 ኖ ማዘቀልዘን ርከርሶ ክት ደእሳንዳ ጋፍካ ማችንከረ ታ ሳብታ ዋልቀካ ሰንፔካ ዶቅዴ፡ ዋተረ ክትካ ክክን ጋፍሰባብ ማቶቴ፡ የንካ ክክን ዋንታ ዶቅድን ዐፍርንካ ማቼ ክትካ ክክን ሳብታ ዋልቀካ ዋታ ዶቅቶሮቴ።

5 የንታ አሜንካ ዳቅሰባብ የንታ ማትነቴን ኤሰካንታ የንታ ማተንም ሰድከቴ፡ የንታ ማተንም ጳጭከቴ፡ የሱስ ክርስቶስ የንታዋር ማትነቴን የታ ገቀራከቴ? ኮካያ ማቼ ጳጤንካ ዋችተት ጋይነትዬ፡

6 ዋታ ጳጤንካ ዋንታ ዋችክሳ ነግን የ ገቀርድንደትም ዐድን ጉርም ይደቴ።

7 ዳቅልሪ የ ይዳክንግንዳ ሳብደሪ ሞግዘደቴ፡ ዋ ሞግዘድንደረ ዐረኒረ ዋራ ዋታ ማድባብከሰ ማትሶቶ ዋ ዐፈራክንዳ ማቼረ የታ ሙዳዐይካ ኡርማ ማቻን ሪም የ ይድንግንዳ ዳት ዋታ ማድባብ ማትሶ ዐፍርን የም ሰችካንታ ካዬ።

8 ዋታ ዶፈንንካንታ ፍግዘዶት ዳት ዶፈን ማታክንደትም ዐራርየረ ዋታ ፍክሰራዬ።

9 ዋታ ጋፍሰባብ ማችንከረ የታ ዳቅመንከሰ የ ማድንካ ዋም ጉርምዘዴ፡ ዋንታ ሞክሰና የ ቦድመንከሰ ማተርንግንዴ።

10 ኮም ክቴን የንዘንካ ኅተርሶ ዶቅድቶ የካንታ እ ጸፍሳንዳ ኮጎኬ፡ ኮግንደካ የንደሪ እ ዐድንዐይካ ጮይሰረ እካንታ እምሳን ገችንታ ኤረንካ የም ማእሳይቴ፡ ጮይሰ ገችንታ ኤረን እም እምሳንዳ የም ዋይሰሰካንታ ዳት የም ይጭ ካንታ ካዬ።

11 ይና ኮዘንካ ኦሰ ነገዳንደትካ እሰታ እሰመንከሰኬ ምችንከሶ! ኡርማ ዶእከቴ! የንታ ዶቅነተን ኡርሰከቴ፡ እሰታ ዘረንም ጎርሰምከቴ፡ ክክ ክክ ኤእከቴ፡ ሳራትቼከረ ዶእከቴ፡ ሶልመንተኬ ሳራትቼንታ ጮይሰና የንካ ክክን ማተሬ።

12 ዶፈን ሶልመካ ክክ ሶንቀረቶ እሶ ጋይከቴ፡

13 አሜንድባብከሰ ሙደና የም እሶ ጋይደኬ።

14 ጮይሰ የሱስ ክርስቶስታ ዉች እምነተና፡ ሳብታ ሶልመና፡ እያን ጭልንታ ዋልቃትቼና የ ሙደንካ ክክን ማታ።

ክል ጬቃ

Gayil: ክል ጬቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab